

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
Broj:02-05-585/16
Lukavac, 31.05.2016. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-585/16 od 25.05.2016. godine u otvorenom postupku nabavke radova za regulaciju rijeke Spreče u Lukavcu dionica: L = 254,57 m (od km 1+345,71 do km 1+600,28) - osnovno korito Općinski načelnik d o n o s i

ODLUKU o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 02-05-585/16 od 25.05.2016. godine i ugovor za nabavku radova za regulaciju rijeke Spreče u Lukavcu dionica: L = 254,57 m (od km 1+345,71 do km 1+600,28) - osnovno korito dodjeljuje se ponuđaču „GRADNJA 1“ d.o.o. Tešanj, ponuda broj: 01-P-18/16 od 05.05.2016. godine, za ponuđenu cijenu u vrijednosti od 238.057,41 KM bez PDV-a, kao najpovoljnijem ponuđaču.

Član 2.

Izabrani ponuđač je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 12. od a) do d) i originale ili ovjerene kopije dokaza traženih tačkom 13.2.2.a) Tenderske dokumentacije broj: 02-05-585/16. Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, postupak nabavke će se poništiti, obzirom da nema drugorangiranog ponuđača.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-584/16 od 12.04.2016. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 340.000,00 KM.

Obavještenje o nabavci broj: 719-1-3-28-3-20/16 objavljeno je na Portalu javnih nabavki dana 13.04.2016. godine.

Komisija za provođenje postupka nabavke imenovana Rješenjem broj: 02-05-648/16 od 21.04.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-585/16 od 25.05.2016. godine, Preporuku o izboru najpovoljnijeg ponuđača broj: 02-05-585/16 od 25.05.2016. godine i Izvještaj o radu broj: 02-05-585/16 od 25.05.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da je ponuda ponuđača „GRADNJA 1“ d.o.o Tešanj kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način;
- da se ponuda ponuđača „DEN ALM COMPANY“ d.o.o Lukavac odbacuje na osnovu tačke 17. stav 2. tenderske dokumentacije i člana 68. stav (4) tačka i) Zakona o javnim nabavkama („Službeni glasnik BiH“ broj:39/14) iz razloga jer je navedeni ponuđač u Prilogu 3. (obrazac za cijenu ponude) pod „II ZEMLJANI RADOVI pozicija 3. Mašinski iskop zemlje III i V kategorije“ nije popunio cijene za stavke koje se odnose na iskop 15.371,38 m³ gline i 13.631,22 m³ pijeska.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 340.000,00 KM i da je kriterij za dodjelu ugovora najniža cijena.

Ponuđač „GRADNJA 1“ d.o.o Tešanj dostavio je prihvatljivu ponudu sa cijenom u iznosu od 238.057,41 KM bez PDV-a .

Iz navedenih razloga, primjenom člana 64. stav (1) tačka b) Zakona o javnim nabavkama , člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Dostaviti:

1. „DEN ALM COMPANY“ d.o.o Lukavac
2. „GRADNJA 1“ d.o.o Tešanj
3. Evidenciji i
4. Arhivi.-

